

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ДОМ НАРОДА
ПРЕДСТАВНИЧКИ ДОМ**

Привремена заједничка комисија оба дома Парламентарне
скупштине Босне и Херцеговине за спровођење процедуре
именовања директора Агенције за заштиту личних података



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

PREDSTAVNIČKI DOM / ZASTUPNIČKI DOM

Privremena zajednička komisija oba doma Parlamentarne skupštine
Bosne i Hercegovine za provođenje procedure imenovanja direktora
Agencije za zaštitu ličnih podataka
Privremeno zajedničko povjerenstvo oba doma Parlamentarne skupštine
Bosne i Hercegovine za provođenje procedure imenovanja ravnatelja
Agencije za zaštitu osobnih podataka

Broj: 01, 02-50-16-1091-7,1/20
Sarajevo, 1.10.2020.



**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO:			
Organizaciona jedinica	Klasifikaciona oznaka	Radni broj	Broj priloga

**PREDSTAVNIČKOM DOMU
DOMU NARODA
PARLAMENTARNE SKUPŠTINE BiH**

Na osnovu člana 56. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15, 97/15 i 78/19), člana 46. Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15 i 53/16) i člana 43. Zakona o zaštiti ličnih podataka („Službeni glasnik BiH“, br. 49/06, 76/06, 76/11 i 89/11), Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje direktora Agencije za zaštitu ličnih podataka u Bosni i Hercegovini na 7. sjednici, održanoj 1.10.2020., usvojila je, te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

o utvrđivanju prijedloga rang-liste kandidata za izbor direktora Agencije za zaštitu ličnih podataka u Bosni i Hercegovini

I. Imenovanje članova Privremene zajedničke komisije oba doma Parlamentarne skupštine Bosne i Hercegovine za provođenje procedure imenovanja direktora Agencije za zaštitu ličnih podataka u Bosni i Hercegovini

Parlamentarna skupština BiH je na 4. sjednici Predstavničkog doma, održanoj 4. februara 2020., i na 5. sjednici Doma naroda, održanoj 14. februara 2020., imenovala članove Privremene zajedničke komisije oba doma Parlamentarne skupštine BiH za provođenje procedure imenovanja direktora Agencije za zaštitu ličnih podataka (u daljnjem tekstu: Komisija), u kojoj su:

Adil Osmanović, Obren Petrović i Mijo Matanović iz Predstavničkog doma, te Nikola Špirić, Asim Sarajlić i Lidija Bradara iz Doma naroda Parlamentarne skupštine BiH.

II. Zadaća i hronologija rada Komisije

U skladu s članom 43. Zakona o zaštiti ličnih podataka, te čl. 3., 5., 7., 8., 10., 11. i 12. Zakona o ministarskim imenovanjima, imenovanjima Vijeća ministara i drugim imenovanjima Bosne i

Hercegovine („Službeni glasnik BiH“, broj 37/03), zadatak Komisije bio je da usvoji potrebne akte o svom radu, te provede daljnju proceduru izbora i predlaganja imenovanja, u skladu s navedenim zakonskim propisima i aktom o svom radu.

Kako bi realizirala svoje zadatke, Komisija je održala sedam sjednica.

Konstituirajuća sjednica održana je 9. juna 2020. Na ovoj sjednici članovi Komisije jednoglasno su za predsjedavajućeg izabrali Nikolu Špirića, za prvog zamjenika predsjedavajućeg Adila Osmanovića, te za drugu zamjenicu Lidiju Bradaru.

S ciljem javnosti rada, na veb-stranici PSBiH objavljeni su određeni akti, kao što su tekst Javnog konkursa i najave održavanja sjednica.

Postupajući u skladu sa svojim nadležnostima, Komisija je na 2. i 3. sjednici, održanim 25. juna 2020. i 7. jula 2020., razmatrala i usvojila Poslovnik o radu. Poslovnikom o radu propisan je način rada, raspisivanje i uslovi Javnog konkursa, dokumenti koji se prilažu uz prijavu, rad po završetku Javnog konkursa, intervju - javno saslušanje kandidata, kriterij bodovanja, postupak bodovanja i utvrđivanje prijedloga rang-liste kandidata za direktora i druga pitanja.

Na osnovu zakonskih odredbi, te odredbi čl. od 7. do 10. Poslovnika, Komisija je pripremila i donijela Odluku o objavljivanju Javnog konkursa za provođenje procedure imenovanja direktora Agencije za zaštitu ličnih podataka u BiH. Uslove Javnog konkursa Komisija je utvrdila na osnovu navedenih zakonskih i odredbi Poslovnika o radu Komisije.

Javni konkurs objavljen je u:

„Službenom glasniku Brčko Distrikta BiH“, broj 26/20, 13. jula 2020., i „Službenom glasniku BiH“, broj 42/20, 20. jula 2020., te na veb-stranici Parlamentarne skupštine BiH, a obavještenje o Javnom konkursu u dnevnim listovima „Oslobođenje“, „Glas Srpske“ i „Večernji list“.

Rok za podnošenje prijave na Javni konkurs bio je (zaključno) 3. avgust 2020.

III. Prijavljeni kandidati, utvrđivanje ispravnosti dostavljene dokumentacije i intervju

U skladu s članom 11. Poslovnika o radu, sljedeći zadatak Komisije sastojao se u provjeri formalno-pravne valjanosti, blagovremenosti i kompletnosti prijave kandidata s dostavljenom dokumentacijom.

U ovoj fazi rada Komisija je konstatirala da su se na Javni konkurs prijavila četiri kandidata, i to:

1. Petar Kovačević
2. Dragoljub Reljić
3. Branko Petrić
4. Ljubomir Kuravica

Komisija je na 4. sjednici, održanoj 1.9.2020., pojedinačno i detaljno razmotrila svaku prijavu kandidata i dokumente dostavljene uz nju. Nakon uvida u dokumentaciju svakog prijavljenog kandidata, Komisija je utvrdila da svi prijavljeni kandidati ispunjavaju uslove predviđene Javnim konkursom za poziciju direktora Agencije za zaštitu ličnih podataka u BiH.

U skladu s članom 12. Poslovnika o radu Komisije, sva četiri kandidata pozvana su na intervju. O datumu, vremenu i mjestu održavanja intervjuja svi kandidati pismeno su obaviješteni.

Komisija je na 6. sjednici, održanoj 1.10.2020., obavila intervju - javno saslušanje kandidata.

Intervjuu su se odazvala tri prijavljena kandidata za poziciju direktora Agencije za zaštitu ličnih podataka u BiH. Kandidat Ljubomir Kuravica je odustao od intervjuja.

Komisija je, u skladu s članom 13. Poslovnika o radu, sačinila obrazac - tabelu za ocjenjivanje svakog kandidata za poziciju direktora Agencije za zaštitu ličnih podataka u BiH. Broj bodova svakog kandidata količnik je sabranih ocjena koje je dao svaki intervjuu prisutni član Komisije podijeljen s brojem intervjuu prisutnih članova Komisije.

IV. Utvrđivanje prijedloga rang-liste kandidata

U skladu s članom 14. Poslovnika o radu Komisije, njen sljedeći zadatak je bio da, nakon provedene procedure, utvrdi prijedlog liste kandidata za direktora Agencije za zaštitu ličnih podataka u BiH, prema mišljenju Komisije najuspješnijih kandidata za direktora Agencije za zaštitu ličnih podataka u BiH. Komisija je pri tom bila obavezna ispoštovati uslove utvrđene Zakonom – zastupljenost konstitutivnih naroda. Također, Komisija se obavezala da će, poštujući zakonske odredbe Poslovnika o radu, u svom izvještaju domovima Parlamentarne skupštine BiH dostaviti prijedlog liste za direktora Agencije za zaštitu ličnih podataka u BiH, te da će navesti imena i bodove za sve kandidate s kojima je obavljen intervju.

IV.1. Kako se Komisija, u skladu s članom 14. Poslovnika o radu, obavezala predložiti domovima Parlamentarne skupštine BiH listu kandidata za direktora Agencije za zaštitu ličnih podataka u BiH to je u nastavku utvrdila prijedlog navedene liste:

IV.2. Nakon provedenog intervjuja i bodovanja kandidata, Komisija je utvrdila sljedeću listu svih kandidata za poziciju direktora Agencije za zaštitu ličnih podataka u BiH.

PRIJEDLOG LISTE KANDIDATA ZA IMENOVANJE ZA DIREKTORA AGENCIJE ZA ZAŠTITU LIČNIH PODATAKA U BIH

Kandidat za direktora	Pripadnost narodu	Broj bodova
DRAGOLJUB RELJIĆ	S	95,5
PETAR KOVAČEVIĆ	S	78,3
BRANKO PETRIĆ	S	75


V. Dostavljanje prijedloga rang-liste kandidata za direktora Agencije za zaštitu ličnih podataka u parlamentarnu proceduru

Komisija je na 7. sjednici, održanoj 1.10.2020., jednoglasno usvojila prijedlog rang-liste kandidata za direktora Agencije za zaštitu ličnih podataka u BiH.

U skladu sa zakonskim i poslovničkim odredbama, Komisija dostavlja utvrđeni prijedlog liste kandidata za direktora Agencije za zaštitu ličnih podataka u BiH Predstavničkom domu i Domu naroda Parlamentarne skupštine BiH na daljnji postupak.

Za izvjestioce o radu i o izvještaju Komisije u domovima Parlamentarne skupštine BiH određeni su:

- Iz Doma naroda – Nikola Špirić, predsjedavajući Komisije
- Iz Predstavničkog doma – Adil Osmanović, prvi zamjenik predsjedavajućeg Komisije.



Dostaviti:

- Kolegiju Predstavničkog doma
- Kolegiju Doma naroda
- a/a


Prilog:

- prijedlog rang-liste za direktora Agencije za zaštitu ličnih podataka u BiH
- biografije kandidata za direktora Agencije za zaštitu ličnih podataka u BiH

PRIJEDLOG

RANG-LISTE KANDIDATA ZA IMENOVANJE DIREKTORA AGENCIJE ZA ZAŠTITU LIČNIH PODATAKA U
BIH

Kandidat za direktora	Pripadnost narodu	Broj bodova
DRAGOLJUB RELIĆ	S	95,5
PETAR KOVAČEVIĆ	S	78,3
BRANKO PETRIĆ	S	75



Predsjedavajući

Privremene zajedničke komisije

Dr. Nikola Špirić

Prvi zamjenik predsjedavajućeg

Adil Osmanović

Druga zamjenica predsjedavajućeg

Lidija Bradara